

## SARADNICIMA

Naučno-stručni časopis *Geodetski glasnik* je periodična publikacija Saveza udruženja građana geodetske struke Bosne i Hercegovine. Ovaj časopis objavljuje članke iz područja geodezije, GIS-a, GNSS-a i općenito iz svih područja koja se bave informacijama o prostoru, te važnija saznanja iz drugih područja koja su važna za razvoj i unapređenje geodezije.

U *Geodetskom glasniku* objavljuju se članci koji se recenziraju, kao i oni koji ne podliježu recenziji.

Radovi koji se recenziraju razvrstavaju se na sljedeći način:

- originalni naučni članci,
- prethodna saopštenja,
- pregledni (naučni) članci,
- izlaganja s naučnih i stručnih skupova,
- stručni članci.

Autor može predložiti kategoriju za svoj rad, ali konačnu odluku o svrstavanju donosi Uredništvo na prijedlog recenzenta.

*Originalni naučni članak* sadrži neobjavljene rezultate originalnih istraživanja. Članak treba biti izložen tako da se može provjeriti tačnost analiza na kojima se temelje rezultati.

*Prethodno saopćenje* sadrži nove naučne spoznaje koje treba hitno objaviti. Ne mora omogućavati ponavljanje i provjeru iznesenih rezultata.

*Pregledni (naučni) članak* mora biti originalan, sažet prikaz nekog područja ili njegovog dijela u kojem autor aktivno djeluje. Mora biti naglašena uloga autorovog originalnog doprinosa u tom području s obzirom na već objavljene radove, kao i pregled tih radova.

*Izlaganje sa naučnog ili stručnog skupa* objavit će se samo ako nije objavljeno u odgovarajućem zborniku.

*Stručni članak* je prilog s područja struke, u njemu se obrađuje problematika koja nije vezana za originalna istraživanja, ali je vrijedan materijal u pogledu širenja znanja i prilagođavanja originalnih istraživanja potrebama struke.

Članak objavljen u *Geodetskom glasniku* obavezuje autora da isti članak ne može objaviti na drugom mjestu bez dozvole Uredništva *Geodetskog glasnika*, a i tada samo uz podatak o tome gdje je članak prvi put objavljen.

Članci objavljeni na drugom mjestu neće se objavljivati u *Geodetskom glasniku*. Izuzetno, ako se radi o vrlo interesantnom radu, može se rad odnosno prevod objaviti ali uz saglasnost izdavača i autora.

Radovi koji se ne recenziraju razvrstavaju se na:

- vijesti s održanih naučnih i stručnih skupova,
- vijesti iz radnih kolektiva i stručnih društava,
- osvrti na nove knjige i časopise,
- obavještenja o pripremanim savjetovanjima, simpozijima i drugim stručnim skupovima koji se održavaju u zemlji i inostranstvu,
- obavještenja o umrlim kolegama, sjećanja i sl.,
- druge interesantne vijesti.

Svaki rad treba da bude napisan u najkraćem obliku što ga jasnoća izlaganja dopušta i to na bosanskom, hrvatskom ili srpskom jeziku.

Kod radova koji se recenziraju na kraju treba napisati korištenu literaturu, kao i kratak rezime/sažetak na jeziku na kojem je napisan i sam rad. Pored toga treba dostaviti naslov rada i kratak rezime/sažetak (abstract) na engleskom jeziku.

Rad i crteže treba uraditi na računaru, te pored listinga isti dostaviti i u digitalnoj formi.

U popratnom dopisu koji se šalje uz rad treba navesti ime i prezime autora, stručnu spremu, naučno zvanje, naziv organizacije, broj telefona, e-mail adresu i poštansku adresu.

Radovi se podnose Uredništvu na adresu:

ODSJEK ZA GEODEZIJU GRAĐEVINSKOG FAKULTETA (za Geodetski glasnik) ul.  
Stjepana Tomića br.1/III71000 SARAJEVO  
Bosna i Hercegovina

**Tel.: +387 (0) 33 278-494, Fax.: +387 (0) 33 278-484**

**E-mail: *glasnik@suggsbih.ba***

## **POZIV NA SARADNJU**

Uredništvo Geodetskog glasnika poziva kolege iz cijele Bosne i Hercegovine i inostranstva da nam se jave svojim priložima. Time bi omogućili češće izlaženje, čime bi časopis dobio na aktuelnosti.

Šaljite nam svoje priloge pridržavajući se datih uputstava!

Također molimo da šaljete obavijesti o umrlim kolegama koje ćemo objavljivati u rubrici IN MEMORIAM.

Zainteresovani za nabavku Geodetskog Glasnika mogu se obratiti na gore navedene kontakt podatke.

*Uredništvo*